



Broj: 03-02-05-10997/25
Sarajevo, 07.05.2025. godine,

SKUPŠTINA KANTONA SARAJEVO
N/r Predsjedavajući Skupštine Kantona Sarajevo
g. Elvedin Okerić

PREDMET: Odgovor na zastupničko pitanje, dostavlja se,
Vaš broj: 01-04-10266-4/25, od 28.03.2025. godine

Poštovani,

Vezano za zastupničko pitanje zastupnika Faruka Selmanovića, postavljeno na 21. radnoj sjednici Skupštine Kantona Sarajevo, održanoj dana 28.03.2025. godine, a u skladu sa odredbama Poslovnika Skupštine Kantona Sarajevo, ("Službene novine Kantona Sarajevo" broj: 41/12 - Drugi Novi prečišćeni tekst, 15/13, 47/13, 47/15, 48/16, 9/20, 14/20, 16/22, 17/22-Ispravka i 47/24), Ministarstvo pravde i uprave Kantona Sarajevo, odgovor na predmetno pitanje upućuje predsjedavajućem Skupštine Kantona Sarajevo, kako bi isto bilo dostavljeno zastupnicima u Skupštini:

Ministarstvo pravde i uprave Kantona Sarajevo, dana 05.05.2025. godine, pribavilo je akt Sudske policije u Federaciji Bosne i Hercegovine, broj: Sp-02-02/1-45-1209/25, od dana 28.04.2025. godine, imajući u vidu da je Sudska policija u Federaciji Bosne i Hercegovine, organ nadležan za transport pritvorenika izmještenih iz Kazneno-popravnog zavoda poluotvorenog tipa Sarajevo, prema nadležnim sudovima i nadležnim zdravstvenim ustanovama.

Navedni akt dostavljamo u prilogu.

Kako je navedeno u aktu Sudske policije: "troškovi variraju u zavisnosti od konkretne aktivnosti, te nije moguće iznijeti tačne podatke o visini troškova transporta pritvorenika nakon njihovog izmještanja iz Kazneno-popravnog zavoda poluotvorenog tipa Sarajevo".

Takođe, iz navednog akta se zaključuje da ova vrsta troškova pada na teret Budžeta Sudske policije u Federaciji Bosne i Hercegovine, odnosno Budžeta Federacije Bosne i Hercegovine.

S poštovanjem,





BOSNIA AND HERZEGOVINA
FEDERATION OF BOSNIA AND HERZEGOVINA
JUDICIAL POLICE

6707 - 70- 62

02

2193

Broj: Sp-02-02/1-45-1209/25
Sarajevo, 28.04.2025. godine

05 -05- 2025

MINISTARSTVO PRAVDE I UPRAVE KANTONA SARAJEVO
n/r g. Darja Softić-Kadenić, ministrica

PREDMET: Pitanje zastupnika Faruka Selimovića, odgovor, dostavlja se;

VEZA: Vaš akt broj 03-02-04-10997/25 od 07.04.2025. godine.

Poštovana,

U vezi sa Vašim aktom broj i datum veze, kojim ste nam dostavili pitanje zastupnika Faruka Selimovića postavljeno na 21. radnoj sjednici Skupštine Kantona Sarajevo, a koje se odnosi na troškove transporta pritvorenika izmještenih iz Kazneno-popravnog zavoda Sarajevo (objekat Miljacka) radi transport za suđenja u Sarajevo, Klinički centar u Sarajevo i sl., dostavljamo Vam sljedeći odgovor:

Sudska policija u Federacije Bosne i Hercegovine (u daljem tekstu: Sudska policija) ne vodi zasebnu evidenciju troškova po svakoj pojedinačnoj operativnoj aktivnosti iz svoje nadležnosti, koje provodi po naredbama Kantonalnog i Općinskog suda u Sarajevu te Kantonalnog tužilaštva Kantona Sarajevo, prilikom dovođenja lica iz prostorija kazneno-popravnih zavoda u Federaciji Bosne i Hercegovine u pravosudne institucije Kantona Sarajevo ili druge ustanove, iz kojih razloga na navedeno zastupničko pitanje nismo u mogućnosti iskazati precizan finansijski podatak.

Poznato je da su od 19.06.2023. godine pritvorena i osuđena lica iz Kazneno-popravnog zavoda Sarajevo sa sjedištem u ulici Branilaca Sarajeva (Miljacka) premještena u Kazneno-popravni zavod Zenica, a potom i u druge kazneno-popravne zavode u Federaciji Bosne i Hercegovine, od kada se Sudska policija svakodnevno suočava sa brojnim izazovima u svom radu.

Svaka operativna aktivnost, uključujući dovođenje i sprovođenje lica iz drugih kazneno-popravnih zavoda u Federaciji Bosne i Hercegovine, specifična je i zavisi od više faktora, među kojima su:

- procjena stepena složenosti operativne aktivnosti postupanja prema licu koje se dovodi ili sprovodi;
- broj angažovanih službenika sudske policije za konkretnu aktivnost;
- udaljenost zavoda iz kojeg se lice dovodi;
- vrsta i broj službenih motornih vozila koja se angažuju;
- da li se sprovođenje vrši u radne dane, vikende ili praznike;
- vrijeme trajanja aktivnosti koju provodi pravosudna institucija (npr. Vrijeme trajanja glavnog pretresa, vrijeme trajanja saslušanja u tužilaštvu, vrijeme trajanja drugih procesnih radnji – prisustvo otvaranju dokaza ili sl.);
- angažovanje drugih učesnika u realizaciji aktivnosti i dr.

Imajući u vidu naprijed navedeno, troškovi variraju u zavisnosti od konkretne aktivnosti, te nije moguće iznijeti tačne podatke o visini troškova transporta pritvorenika nakon njihovog izmještanja iz Kazneno-popravnog zavoda poluotvorenog tipa Sarajevo.

Također, ovom prilikom želimo dodatno ukazati da je izmještanjem lica iz Kazneno-popravnog zavoda poluotvorenog tipa Sarajevo, kao i nefunkcionisanjem novoizgrađenog Kazneno-popravnog zavoda poluotvorenog tipa Igman Sarajevo, dodatno usložnjeno svakodnevno izvršavanje poslova i zadataka Sudske policije, što je u periodu od 19.06.2023. godine do danas dovelo do povećanja operativnih troškova.

Naime, zbog nemogućnosti smještaja lica u kazneno popravnoj ustanovi na području Kantona Sarajevo kojima je određena mjera pritvora, dolazi do značajnog povećanja troškova u pogledu korištenja službenih vozila, troškova prevoza, održavanja vozila, angažovanja većeg broja službenika sudske policije što dovodi do povećanja troškova dnevnica, prekovremenog angažovanja službenika sudske policije i dr., a što predstavlja dodatni teret za Budžet Sudske policije, a time i za Budžet Federacije Bosne i Hercegovine.

S poštovanjem,

  R
Glavni generalni inspektor sudske policije
Dženad [redacted] r. iur.